



Ўзбекистон Республикаси

Олий ва ўрта махсус таълим вазирлигининг

2021 йил 22 октябрь сонли

12-сонли буйруғига 4 илова

Олий ва ўрта махсус таълим вазирлигида коррупцияга қарши кураш соҳасидаги муҳим самарадорлик кўрсаткичлари

1. Ўзбекистон Республикаси Олий ва ўрта махсус таълим вазирлиги, унинг ҳудудий бошқармалари, тасарруфидаги марказлар ҳамда олий ва профессионал таълим муассасалари (кейинги ўринларда – Вазирлик тизими) фаолиятида коррупцияга қарши самарали курашни таъминлаш учун муҳим самарадорлик кўрсаткичлари (кейинги ўринларда – МСК) шакллантирилган бўлиб, улар қуйидагилардан иборат:

Вазирлик тизимидаги раҳбарлар ва уларнинг ўринбосарларининг муҳим самарадорлик кўрсаткичлари (кейинги ўринларда – раҳбариятнинг МСК) (1-иловага мувофиқ),

Вазирлик тизимидаги коррупцияга қарши ички назорат тузилмалари ва масъулларнинг муҳим самарадорлик кўрсаткичлари (кейинги ўринларда – Назорат тузилмаларининг МСК) (2-иловага мувофиқ),

Вазирлик тизимининг коррупцияга қарши кураш бўйича фаолиятининг муҳим самарадорлик кўрсаткичлари (кейинги ўринларда – Вазирлик тизимининг МСК) (3-иловага мувофиқ).

2. Вазирлик тизимида раҳбариятнинг МСК ва тизимнинг МСК бажарилишига доир маълумотларни йиғиш учун Назорат тузилмалари жавобгар ҳисобланади.

3. Назорат тузилмаларининг МСК бажарилишига оид маълумотларни йиғиш учун ижро ва меҳнат интизомини назорат қилувчи тузилмалар масъул ҳисобланади. МСКни бажариш натижалари вазирлик тизими раҳбарларига кўриб чиқиш учун тақдим этилади.

4. Назорат тузилмалари Вазирлик тизими бўйича олинган маълумотларни бирлаштириб, ҳар йили 1 февралгача МСКга эришиш натижаларини вазирлик раҳбарига кўриб чиқиш учун тақдим этади.

Олий ва ўрта махсус таълим вазирлигида коррупцияга қарши кураш
соҳасидаги муҳим самарадорлик кўрсаткичларига
1-ИЛЮВА

**Вазирлик тизимидаги раҳбарлар ва уларнинг ўринбосарларининг муҳим самарадорлик
кўрсаткичлари**

Т/р	Кўрсаткич	Қўлланилиши				Бажарилган- лик учун баллар	Кўрсаткич индикатори
		Вазирлик раҳбарияти	Тасарруфидаги марказлар ва худудий бўлинмалар раҳбарлари ва уларнинг ўринбосарлари	Вазирлик tizимидаги бошқа таркибий бўлинмалар раҳбарлари ва уларнинг ўринбосарлари	Марказий аппарат таркибий бўлинмалари раҳбарлари		
1.	Коррупцияга қарши кураш таъминланган дастур/йўл харитасининг бажарилиши					1 балл – режадаги ишларнинг 90% дан ортиги бажарилган; 0,5 балл – режанин 70% дан 90% гача бажарилган; 0 балл – 0 % дан 70 % гача бажарилган	Ҳисоботларга асосан
2.	Коррупцияга қарши					1 балл -- 3	ОАВ, ички учрашувлар

	кураш бўйича ички ва ташқи коммуникациялар сони						тадан ортик коммуникация; 0,5 балл – 1 тадан 3 тагача коммуникация; 0 балл – 0 та коммуникация	баённомалари мониторинги, расмий веб-сайтлар таҳлили асосида
3.	Хатарларнинг мунтазам баҳоланишида иштирок этиш (хатарларни аниқлаш ва уларни минималлаштириш бўйича таклифлар)						1 балл	Ички ҳужжат алмашиши, хатарлар матрицаси таҳлили асосида
4.	Давлат органи/идораси тизими ходимлари томонидан хавф-хатари бор функциялар ва тартиб-таомиллари мониторинги натижаларига кўра коррупцияга қарши талабларга риоя қилиниши						1 балл – 100% ҳолатда; 0,5 балл – 50% дан 70% гача бўлган ҳолатларда; 0 балл – 0% дан 50% гача бўлган ҳолатларда	Алоқа каналларига келиб тушган мурожаатлар реестри таҳлили асосида, ўтказилган текширувлар/мониторинг натижалари ва х.к. асосида
5.	Ходимларнинг коррупцияга қарши режа асосида ва режадан ташқари ўқитилиши						1 балл – ходимларнинг 100% қамраб олинганда; 0,5 балл –	Ўтказилган тренинглар материаллари, ташриф варақлари ва х.к асосида.

						<p>ходимларнинг 90% дан 99% гачаси камраб олинганда.</p> <p>0 балл – ходимларнинг 0% дан 90% камраб олинганда</p>	
<p>6.</p>	<p>Бевосита бўйсунувдаги ходимлар томонидан содир этилган аниқланган коррупциявий ҳужужбузарликларга ўз вақтида ва тегишлича жавоб қайтариш</p>					<p>1 балл – 100 % ҳолатда;</p> <p>0,5 балл – 50% дан 70% ҳолатда;</p> <p>0 балл – 0 % дан 50% гача бўлган ҳолатларда</p>	<p>Алоқа каналларига қилинган муурожаатлар реестри таҳлили асосида, ўтказилган текширувлар/мониторинг натижалари ва ҳ.к.</p>

Олий ва ўрта махсус таълим вазирлигида коррупцияга қарши кураш
соҳасидаги муҳим самарадорлик кўрсаткичларига
2-ИЛОВА

**Вазирлик тизимидаги кооррупцияга қарши назорат тузилмалари ва масъулларнинг муҳим
самарадорлик кўрсаткичларини баҳолаш
ТИЗИМИ**

Т/р	Кўрсаткич	Қўлланилиши		Баллар	Кўрсаткич индикатори
		Вазирлик марказий аппарати ва таркибий бўлинмаларнинг назорат тузилмалари	Худудий бўлинмалардаги назорат тузилмалари		
1	Вазирлик тизими фаолияти, қонунчилик, хатарларни қайта баҳолашнинг ўзига хос жиҳатлари ўзгариши натижасида юзага келган коррупцияга қарши сиёсат, одоб-ахлоқ қоидалари ва вазирлик тизимининг бошқа ички хужжатларининг ўз вақтида янгиланиши.			Кўрсаткични бажаргани учун 1 балл	Вазирлик раҳбарияти ва Коллегияга тақдим этиладиган чораклик ҳисоботлар
2	Қоррупцияга қарши тизимнинг барча унсурларини ўз ичига олувчи вазирлик тизимида коррупцияга қарши кураш бўйича йиллик дастур/йўл харитасини ишлаб чиқиш.			Кўрсаткични бажаргани учун 1 балл	Тегишли йил учун тасдиқланган дастурлари
3	Вазирлик тизимининг коррупцияга қарши курашга доир дастури/йўл харитасини ўз вақтида ва тўлиқ бажариш.			Кўрсаткични бажаргани учун 1 балл	Вазирлик раҳбарияти ва Коллегияга тақдим этиладиган чораклик ҳисоботлар

4	<p>Вазирлик тизимида юклатилган чора-тадбирлар доирасида Коррупцияга қарши кураш бўйича Давлат дастурининг ўз вақтида ва тўлиқ бажарилиши.</p>			<p>Кўрсаткични бажаргани учун 1 балл</p>	<p>Вазирлик раҳбарияти ва Коллегияга тақдим этиладиган чорақлик ҳисоботлар</p>
5	<p>Белгиланган даврийликка мувофиқ давлат органи/идораси тизимида хавф-хатарларни баҳолашни мувофиқлаштириш ва амалга ошириш (хатарларни белгилаш ва уларни минималлаштиришга доир таклифлар).</p>			<p>Кўрсаткични бажаргани учун 1 балл</p>	<p>Ички корреспонденция, хатарлар матрицаси таҳлили</p>
6	<p>Ходимларни коррупцияга қарши тамойиллар ва талаблар билан боғлиқ ўзгаришлар билан ўз вақтида таништириш, шунингдек уларни коррупцияга қарши ўқитиш.</p>			<p>100% – 1 балл; 70% – 99 % – 0,5 балл; 0% – 69% – 0 балл.</p>	<p>Таништирув варақалари, электрон тизимда ўқигани тўғрисидаги қайдлар/ташириф варақалари ва х.клар</p>
7.	<p>Коррупцияга қарши кураш масалалари бўйича ички ва ташқи коммуникацияларни амалга ошириш.</p>			<p>1 балл – 7 тадан ортик коммуникация; 0,5 балл – 1 дан 7 тагача коммуникация; 0 балл - 0 та коммуникация.</p>	<p>ОАВ, ички учрашувлар баённомалари мониторинги, вазирлик тизимининг веб-сайтлари, ходимларга юборилган ички жўнатмалар таҳлили</p>
8.	<p>Вазирлик тизимида коррупцияга қарши тамойиллар ва талабларга риоя қилинишини мониторинг қилиш.</p>			<p>1 балл – 4 тадан ортик текширув; 0,5 балл – 1 тадан 4 тагача текширув; 0 балл – 0 та текширув.</p>	<p>Вазирлик раҳбарияти ва Коллегияга тақдим этиладиган чорақлик ҳисоботлар</p>

9.	<p>Ўз вақтида текширув/таҳлил ва таъсир чоралари кўрилмаган алоқа каналлари орқали коррупциявий қондабузарликларга оид хабарлар мавжуд эмаслиги</p>			<p>Кўрсаткични бажаргани учун 1 балл</p>	<p>Алоқа каналларига келиб тушган мурожаатлар, чораклик ҳисоботлар, ўтказилган текширувлар базаси таҳлили</p>
10.	<p>Камчиликларни бартараф этиш, бу борадаги сиёсат ва тартиб-таомилларни такомиллаштириш, шунингдек мониторинг, текширувлар, хизмат текширувлари ва х.к.лар натижалари бўйича аниқланган қондабузарликлар натижалари бўйича айбдор шахсларни жавобгарликка тортиш чораларини ўз вақтида амалга ошириш.</p>			<p>Кўрсаткични бажаргани учун 1 балл</p>	<p>Алоқа каналларига келиб тушган мурожаатлар реестри таҳлили, чораклик ҳисоботлар, ўтказилган текширувлар базаси таҳлили</p>

Олий ва ўрта махсус таълим вазирлигида коррупцияга қарши кураш
соҳасидаги муҳим самарадорлик кўрсаткичларига
З-ИЛОВА

**Вазирлик тизимининг коррупцияга қарши кураш соҳасидаги фаолиятининг муҳим самарадорлик
кўрсаткичларини баҳолаш
ТИЗИМИ**

№	Кўрсаткич	Қўлланилиши			Ўлчов бирлиги	Кўрсаткичларни баҳолаш мезонлари	Баҳолаш кўрсаткичи	Ахборотни тақдим этиш учун масъул таркибий бўлинмалар
		Вазирлиқ	Тасарруфдаги марказлар ва худудий таркибий бўлинмалар	Таркибий бўлинмалар				
1.	Коррупцияга қарши курашга доир дастур/йўл харитасини ўз вақтида ва тўлиқ бажариш.				%	Дастурни бажариш натижалари бўйича баҳоланади: 90% ва ундан ортиқ – 1 балл; 70% – 89% – 0,5 балл; 0% – 69% – 0 балл	0 балл- 1 балл	Дастурда кўзда тутилган чора-тадбирлар учун масъул ижрочилар
2.	Коррупциявий ҳаракатлар тўғрисида хабар берувчи самарали каналлар мавжудлиги				%	Алоқа каналлари орқали келиб тушган коррупциявий ҳаракатларга доир тасдиқланган хабарлар фоиздан келиб чиқиб баҳоланади : 40% ва ундан ортиқ – 1 балл; 15% – 39% – 0,5 балл;	0 балл- 1 балл	Коррупциявий ҳаракатларга доир алоқа каналлари операторлари

	режани бажариш кўрсаткичи						70% – 89% – 0,5 балл; 0% – 69% – 0 балл.			
7.	Давлат харидлари иштирокчилари ва контрагентлар билан тузилган шартномаларга коррупцияга қарши эслатмаларни қилиш бўйича қондаларга риоя қилиш кўрсаткичи					%	Коррупцияга қарши эслатмаларни ўз ичига олган тузилган битимлар натижалари бўйича баҳоланади: 90% ва ундан ортиқ – 1 балл; 70% – 90% – 0,5 балл; 0% – 69% – 0 балл.	0 балл- 1 балл	Моддий-техник таъминот учун маъсул бўлган бўлимлар, юридик хизмат	
8.	Хатар функциялари ва тартиб-таомиллари мониторинги натижалари бўйича вазирлик тизими ходимлари томонидан коррупцияга қарши кураш талабларига риоя қилиш					%	1 балл – 100 % ҳолатда; 0,5 балл – 50% дан 70% гача бўлган ҳолатларда; 0 балл – 0 % дан 50% гача бўлган ҳолатларда .	0 балл- 1 балл	Назорат тузилмалари, ички аудит бўлимлари	



**Ўзбекистон Республикаси Олий ва ўрта махсус таълим вазирлиги
tizими ходимларини одоб-ахлоқ ва коррупцияга қарши курашиш
борасида ўқитишни ташкил этиш бўйича
УСЛУБИЙ КЎРСАТМАЛАР**

1-боб. Умумий қондалар

1. Одоб-ахлоқ ва коррупцияга қарши курашиш борасида ўқитишни ташкил этиш бўйича мазкур методик кўрсатмалар (кейинги ўринларда “Услубий кўрсатмалар” деб юритилади) Ўзбекистон Республикаси Олий ва ўрта махсус таълим вазирлиги, унинг худудий бошқармалари ва унинг тасарруфидаги марказлар ва муассасалар (кейинги ўринларда “Вазирлик тизими” деб юритилади) ходимларини коррупцияга қарши кураш масалалари бўйича ўқитишни ташкил этиш борасидаги тавсиялар ва кўрсатмаларни белгилаб беради.

2. Мазкур Услубий кўрсатмалар коррупция ҳаракатларининг олдини олишга ва уларнинг содир этилишига олиб келадиган сабабларни бартараф этишга, ҳуқуқий онгни ривожлантиришга ва ходимларни Ўзбекистон Республикаси қонунчилигига ва Вазирлик тизимининг ички ҳужжатларига катъий риоя қилиш руҳида тарбиялашга қаратилган.

3. Вазирлик тизими ходимларини коррупцияга қарши ўқитиш дастурлари ва материаллари Услубий кўрсатмаларга мувофиқ ишлаб чиқилиши керак.

2-боб. Ўқитишнинг асосий тамойиллари

4. Вазирлик тизими ходимларини одоб-ахлоқ ва коррупцияга қарши курашиш борасида ўқитиш қуйидаги тамойилларга асосланади:

— **объективлик ва илмийлик** – одоб-ахлоқ ва коррупцияга қарши курашиш борасидаги ўқув материалларини тайёрлаш учун масъул шахслар, уларнинг Ўзбекистон Республикаси қонунчилиги талабларига, коррупцияга қарши кураш назарияси ва амалиёти

соҳасидаги халқаро стандартларга ва илмий тадқиқотлар натижаларига мувофиқлигини таъминлайди;

- **амалийлик** – вазирлик тизими ходимларини одоб-ахлоқ қоидалари ва коррупцияга қарши курашиш бўйича ўқитиш шакллари, услублари ва материаллари амалий аҳамиятга эга бўлиши, реал ҳолатларга асосланган бўлиши, шунингдек, ходимлар томонидан олинган материалларни тушуниш ва муайян амалий муаммоларни ҳал қилишда уларни қўллаш имкониятлари даражасининг изчил назоратини ўз ичига олиши керак;
- **изчиллик ва тизимлилик** – одоб-ахлоқ ва коррупцияга қарши кураш борасидаги ўқув материаллари, шунингдек Вазирлик тизими ходимларини ўқитиш тартиби изчил ва таркибий-манتيқий тизимни ифодалайди. Ўқитиш умумий тушунчалар ва ҳодисалардан алоҳида тушунчалар ва ҳодисаларга, оддийдан мураккабга, асосийдан илғорга ўтиш ва шу каби тамойиллар асосида амалга оширилади;
- **тушунарлилик** – одоб-ахлоқ ва коррупцияга қарши кураш бўйича ўқитиш Вазирлик тизими ходимларини мавжуд билим ва кўникмаларини ҳисобга олган ҳолда, Вазирлик тизимининг барча ходимлари учун тушунарли бўлган ўқув материалларини шакллантириш асосида тузилади;
- **табақалаштирилган ёндашув** – Вазирлик тизимидаги коррупцияга қарши курашиш бўйича ўқитиш муайян функциялар ва жараёнлардаги коррупция хавфини баҳолаш натижаларини ҳисобга олади. Коррупция хавфига кўпроқ мойил бўлган лавозимларни эгаллаб турган ходимлар коррупцияга қарши қўшимча махсус тайёргарликдан ўтадилар;
- **ўқитиш услублари ва шакллари доимий равишда такомиллаштириш** – Вазирлик, унинг ҳудудий бошқармалари ва унинг тасарруфидаги муассасалар ўқув материалларини ишлаб чиқиш, ўқитишни амалга оширишда, шунингдек, Вазирлик тизими ходимларининг билимларини ўзлаштиришларини текширишда техник ва илмий тараққиётнинг инновацион ютуқларидан фойдаланишга интилишади.

3-боб. Одоб-ахлоқ ва коррупцияга қарши кураш соҳасида ўқитишнинг устувор вазифалари

5. Вазирлик тизими ходимларини одоб-ахлоқ ва коррупцияга қарши кураш бўйича ўқитиш учун масъул шахслар одоб-ахлоқ ва коррупцияга

қарши кураш бўйича ўқитиш шакллари ва услубларини белгилашда, шунингдек, ўқув материалларини шакллантиришда, қуйидаги устувор вазибаларни асос қилиб олишлари шарт:

- коррупциянинг моҳияти, унинг шакллари, жамият ҳаётининг турли жабҳаларида ва функцияларида, ҳамда Вазирлик тизими фаолиятида намоён бўлиш хусусиятлари, ушбу ҳодисанинг сабаблари, ижтимоий хавфли ва зарарли оқибатлари ҳақидаги умумий тушунчани шакллантириш;
- Ўзбекистон Республикаси қонунчилигига қатъий ва сўзсиз риоя қилишга асосланган хулқ-атвор моделини, ҳамда Вазирлик тизимида коррупцияга қарши курашиш тўғрисидаги Низомда, Вазирлик тизими ходимларининг ахлоқий хатти-ҳаракат қоидаларида ва Вазирликнинг, унинг ҳудудий бошқармалари ва унинг тасаруфидаги марказлар ва муассасаларнинг бошқа ички ҳужжатларида белгилаб қўйилган одоб-ахлоқ ва коррупцияга қарши хатти-ҳаракатларнинг маънавий-ахлоқий қадриятларини шакллантириш;
- вазирлик тизими ходимларини Вазирликда, унинг ҳудудий бошқармалари ва унинг тасаруфидаги марказлар ва муассасаларда амал қиладиган, коррупцияга қарши курашишга қаратилган тамойиллар, талаблар ва тартиблар билан таништириш;
- Коррупция хавфларини келиб чиқишига олиб келувчи ҳолатларни аниқлаш ва олдини олиш, коррупция хатти-ҳаракатларига, Вазирлик тизими ходимларининг одоб-ахлоқ қоидаларини бузилишига тоқат қила олмаслик кўникмаларини шакллантириш.

4-боб. Ўқув материалларини ишлаб чиқиш ва ўқитиш учун масъул шахслар

6. Вазирлик тизими ходимларини одоб-ахлоқ бўйича ўқитиш режаларини тайёрлаш, тегишли ўқув материалларини ишлаб чиқиш, ўқитиш, шунингдек, Вазирликда, унинг ҳудудий бошқармаларида ва унинг тасаруфидаги марказлар ва муассасаларда ўқитишнинг бундай мониторинги ва назоратини олиб бориш учун Вазирликдаги, унинг ҳудудий бошқармаларидаги ва унинг тасаруфидаги марказлар ва муассасалардаги Ходимлар бошқармалари (бўлимлари) масъулдир.

7. Ўзбекистон Республикаси Олий ва ўрта махсус таълим вазирлиги ҳузуридаги Олий таълимни ривожлантириш ва илғор технологияларни жорий этиш тадқиқотлари марказининг меъёрий ҳуқуқий назорат бўлими (кейинги ўринларда “Меъёрий ҳуқуқий назорат бўлими” деб юритилади) ва

вазирликнинг ҳудудий бошқармалари ва унинг тасарруфидаги марказлар ва муассасалардаги коррупцияга қарши курашиш бўйича координаторлар/масъуллар Вазирлик тизими ходимларини одоб-ахлоқ ва коррупцияга қарши курашиш бўйича ўқитиш жадвалларини тайёрлашда иштирок этишади, коррупцияга қарши курашиш бўйича ўқув материалларини ишлаб чиқишади, ўқитиш жараётларини тартибга солишади, алоҳида кундузги ўқув тадбирларини ўтказишади, шунингдек Вазирлик тизимида коррупцияга қарши курашиш тамойиллари ва талабларига риоя этилишини мониторинг қилиш ва назорат қилиш услубига мувофиқ Вазирлик тизимида коррупцияга қарши курашиш бўйича ўқитиш жараёнларини мониторинг ва назорат қилишади.

8. Вазирликнинг кадрлар бошқармаси ва Вазирликнинг ҳудудий бошқармалари ва унинг тасарруфидаги марказлар ва муассасаларнинг кадрлар бўлимлари коррупцияга қарши кураш бўйича ўқиш интизомини назорат қилади ва Вазирлик, унинг ҳудудий бошқармалари ва унинг тасарруфидаги марказлар ва муассасалар ходимларининг коррупцияга қарши курашиш бўйича ўқиши тўғрисида маълумот тўплайди.

9. Меъёрий-ҳуқуқий назорат бўлими ва коррупцияга қарши курашиш бўйича координаторлар/масъул ходимлар, Кадрлар бошқармалари (бўлимлари) одоб-ахлоқ қоидалари ва коррупцияга қарши курашиш бўйича ўқув материалларини ишлаб чиқишга ва ўқитишга тегишли тажрибага эга бўлган халқаро ёки маҳаллий ташкилотлар билан тузилган шартномалар (Вазирлик тизимида белгиланган тартибда тузилган) асосида учинчи шахсларни жалб қилиши мумкин.

5-боб. Ўқитиш турлари ва шакллари

10. Одоб-ахлоқ ва коррупцияга қарши курашиш бўйича ўқитиш кўйидаги ўқув дастурларини ўз ичига олиши керак:

- барча ходимларни коррупцияга қарши курашиш бўйича ўқитишга мўлжалланган ўқув машғулотлари;
- Вазирлик ходимларини Одоб-ахлоқ қоидалари бўйича умумий ўқитишга мўлжалланган ўқув машғулотлари;
- коррупция хавфига кўпроқ мойил бўлган лавозимларни эгалловчи ходимларни коррупцияга қарши курашиш бўйича ўқитишга мўлжалланган махсус ўқув машғулотлари;
- Вазирлик тизимидаги коррупцияга қарши курашиш тизимининг ишлашига ва ривожланишига масъул бўлган ходимларни

коррупцияга қарши курашиш бўйича ўқитишга мўлжалланган махсус ўқув машғулотлари.

11. *Вазирлик ходимлари учун мўлжалланган Коррупцияга қарши курашиш бўйича умумий ўқув машғулотларидан ўтиш ва одоб-ахлоқ қоидалари бўйича умумий ўқув машғулотларидан ўтиш* Вазирлик тизимидаги барча ходимлар учун мажбурий ва улар одоб-ахлоқ ва коррупцияга қарши курашиш соҳасидаги билим ва кўникмаларни эгаллашга, жумладан, Ўзбекистон Республикаси қонунчилигининг асосий меъёрлари ва Вазирлик тизимининг ички ҳужжатлари, коррупция ҳаракатлари рўй берган ҳолатларни аниқлаганда ҳаракат қилиш қоидалари ва тартиблари, шунингдек уларни содир этганлик учун жавобгарликка тортилиш тартиблари билан таништиришга қаратилган.

12. Вазирлик тизимидаги барча ходимлар учун коррупцияга қарши курашиш бўйича умумий ўқув машғулотлари амалий йўналтирилган бўлиши ва қўидаги янги билим ва кўникмаларни олишни ёки мавжудларини такрорлашни таъминлаши керак:

— Ўзбекистон Республикасининг коррупцияга қарши курашиш бўйича қонун ҳужжатларини, коррупцияга қарши курашиш масалалари бўйича Вазирлик тизимининг ички ҳужжатларини, шу жумладан ўрнатилган тақиқлар, чекловлар, мажбуриятлар ва рухсатлар, расмий хулқ-атворга қўйиладиган талаблар, Вазирлик тизими ходимларининг коррупция ҳаракатлари аниқлангандаги ҳаракатлар кетма-кетлигини билиш;

— коррупцияга қарши курашиш, манфаатлар тўқнашуви борасида ҳуқуқни қўллаш амалиёти ва бошқа коррупцияга қарши талаблар тўғрисида билиш;

— Олинган билимларни қўллаш кўникмалари, жумладан Вазирлик тизимининг турли фаолият соҳаларидаги коррупция хавфини баҳолай олиш қобилияти, Вазирлик тизимида ўрнатилган коррупцияга қарши курашиш чора-тадбирларини амалиётда қўллай олиш.

Коррупцияга қарши курашиш бўйича умумий ўқитиш материалларига киритиш учун намунавий мавзулар ушбу Қўлланманинг 1-сонли иловасида кўрсатилган.

13. Вазирлик тизимининг барча ходимлари учун мўлжалланган Вазирлик ходимларининг Одоб-ахлоқ қоидалари бўйича умумий ўқитиш амалий йўналтирилган бўлиши ва Вазирлик тизимида қабул қилинган одоб-ахлоқ тамойиллари ва хулқ-атвор қоидалари ҳақида янги билимларни эгаллашни ёки мавжудларини такрорлашни таъминлаши керак.

14. Коррупцияга қарши умумий ўқитиш ва Одоб-ахлоқ қоидалари бўйича умумий ўқитиш натижаларига кўра, Вазирлик тизими ходимлари ўрганилган материалнинг ўзлаштирилиши ва тушунилишини, ҳамда олинган билимлар ва кўникмаларни амалиётда қўллаш имкониятларини текширишга қаратилган тест синовларидан ўтиши керак.

15. Вазирлик тизими ходимлари, агар саволларнинг камида 80% ига тўғри жавоб берсалар, коррупцияга қарши курашиш бўйича умумий ўқув машғулотларидан ва Вазирлик тизими ходимларининг одоб-ахлоқ Қоидалари бўйича умумий ўқув машғулотларидан муваффақиятли ўтган ҳисобланади. Агар ходим саволларнинг 80% дан камроғига тўғри жавоб берган бўлса, у синовларни муваффақиятсиз топширган кунидан бошлаб 5 иш кун ичида қайта синовдан ўтказилиши мумкин.

16. *Коррупция хавфига кўпроқ мойил бўлган лавозимларни эгалловчи ходимларни коррупцияга қарши курашиш бўйича ўқитишга мўлжалланган махсус ўқув машғулотлари* Коррупцияга қарши умумий ўқитишдан ташқари ўтказилади (қўшимча равишда).

17. Коррупция хавфига кўпроқ мойил бўлган лавозимлар рўйхати Меъерий-ҳуқуқий назорат бўлими томонидан / координаторлар томонидан / коррупцияга қарши курашиш бўйича масъуллар томонидан Ходимлар бошқармаси (бўлими) билан биргаликда, ҳамда одоб-ахлоқ ва коррупцияга қарши курашиш соҳасида ўқитиш жадвали билан бирга ва Ўзбекистон Республикаси Олий ва ўрта махсус таълим вазирлиги тизимидаги коррупция хавфларини баҳолаш услубига мувофиқ равишда ишлаб чиқилади.

18. Коррупция хавфига кўпроқ мойил бўлган лавозимларни эгалловчи ходимларни коррупцияга қарши курашиш бўйича ўқитишга мўлжалланган махсус ўқув машғулотлари қуйидаги маълумотларни ўз ичига олиши керак:

- Коррупция хавфига кўпроқ мойил бўлган муайян вазифалар / ишларда коррупция хавфларини аниқлаш ва минималлаштириш усуллари ҳақидаги;
- Коррупция хавфига кўпроқ мойил бўлган муайян вазифалар ва ишларда коррупциянинг намоён бўлиш шакллари ва турлари ҳақидаги;
- Коррупция хавфига кўпроқ мойил бўлган муайян вазифалар ва ишларга алоқадор бўлган учинчи шахслар билан ўзаро муносабат олиб боришда коррупцияга қарши курашиш талаблари ҳақидаги;
- Коррупция хавфига кўпроқ мойил бўлган муайян вазифаларни бажаришда қўлланиладиган қўшимча талаблар ва тартибларни ўз ичига олган ички ҳужжатлар ҳақидаги.

19. Вазирлик, унинг ҳудудий бошқармалари ва унинг тасарруфидаги марказлар ва муассасаларда коррупцияга қарши курашиш тизимининг ишлаши ва ривожланиши учун масъул бўлган ходимларни коррупцияга қарши курашиш бўйича ўқитишга мўлжалланган махсус ўқув машғулотлари коррупцияга қарши курашиш соҳасидаги мутахассисларни жалб қилиш йўли билан камида икки йилда бир марта малака ошириш, шунингдек, бундай ўқув машғулотларини ўтказишга ихтисослашган ваколатли учинчи шахслар томонидан ташкил этилган тренингларда иштирок этиш шаклида ўтказилади.

20. Вазирлик, унинг ҳудудий бошқармалари ва унинг тасарруфидаги марказлар ва муассасаларда коррупцияга қарши курашиш тизимининг ишлаши ва ривожланишига масъул бўлган шахслар учун коррупцияга қарши курашиш бўйича ўқитишга мўлжалланган махсус ўқув машғулотлари Ўзбекистон Республикасининг коррупцияга қарши курашиш тўғрисидаги қонун ҳужжатларига киритилган ўзгартиришларни, коррупцияга қарши курашиш тизимларини қуриш ва давлат органларида, ҳамда Олий ва ўрта махсус таълим соҳасида коррупциянинг олдини олиш бўйича чоратадбирларни амалга ошириш соҳасидаги етакчи халқаро усулларни ўрганишни ўз ичига олиши керак.

21. Мазкур Услубий кўрсатмаларнинг 19-бандида кўрсатилган малака ошириш ва машғулотларда иштирок этиш 2 (икки) йилда камида 40 (қирқ) соатни ўз ичига олиши керак.

6-боб. Ўқув машғулотларини ўтказиш вақтлари ва даврийлиги

22. Одоб-ахлоқ ва коррупцияга қарши курашиш бўйича ўқитиш, Ўзбекистон Республикаси қонунчилигида ва Вазирлик тизимининг ички ҳужжатларида назарда тутилган мажбурий малака ошириш доирасидаги ўқитишдан, шунингдек учинчи шахслар вакиллари иштирокида ўтказиладиган қўшма конференциялар, учрашувлар, илмий кенгашлардан ташқари амалга оширилади.

23. Вазирлик тизими ходимлари йилига камида бир марта одоб-ахлоқ ва коррупцияга қарши курашиш бўйича ўқув машғулотларидан ўтишлари керак.

24. Вазирлик тизими ходимлари қуйидаги ҳолатларда йилига бир мартадан ортиқ равишда коррупцияга қарши курашиш бўйича ўқув машғулотларидан ўтишлари керак:

— ходим коррупция хавфига кўпроқ мойил бўлган лавозимда фаолият юритса;

- лавозимга тайинланиш ва ротациядан сўнг, агар шахснинг янги лавозими коррупция хавфига кўпроқ мойил бўлган лавозимлар рўйхатига кирса;
- Вазирлик тизимида коррупция ҳаракатларининг рўй бериши ҳолатлари ёки бажарилаётган ишлар / жараёнларнинг коррупция хавфи даражаси ошгани аниқланганда;
- Ўзбекистон Республикаси Олий ва ўрта махсус таълим вазири, унинг ўринбосарлари, ҳудудий бошқармалари ва тасарруфидаги марказлар ва муассасалар раҳбарларининг қарори билан.

25. Вазирлик тизимида ишга қабул қилинган ёки янги лавозимга ўтказилган ходимлар ишга қабул қилинган ёки янги лавозимга ўтган кундан бошлаб 30 кун ичида коррупцияга қарши курашиш бўйича умумий ўқув машғулотларидан ва Вазирлик тизимидаги ходимларнинг одоб-ахлоқ қоидалари бўйича умумий ўқув машғулотларидан ўтиши шарт (батафсил маълумот учун мазкур Услубий кўрсатмаларнинг 11-15-бандларига қаранг).

Кадрлар бошқармасининг (бўлимининг) масъул ходими ходимларнинг ишга қабул қилинган, янги лавозимга ўтказилган кундан бошлаб 5 (беш) иш кундан кечиктирмаган ҳолда, уларга кундузги/масофавий тартибда ўтказиладиган, коррупцияга қарши курашиш бўйича ўқув машғулотларини ва Вазирлик тизими ходимларини одоб-ахлоқ қоидалари бўйича ўқув машғулотларини тайинлаши (жумладан, онлайн-тренингларга ҳаволалар ёки ўқув материаллари юбориши/кундузги машғулотлардан ўтиш учун гуруҳга қўшиши ва унинг ўтказилиш вақти ҳақида маълумот юбориши) ва ундан ўтиш зарурати ҳақида тегишли ходимларни хабардор қилиши шарт.

Ўқиш санасини белгилашда одоб-ахлоқ ва коррупцияга қарши курашиш бўйича тасдиқланган йиллик ўқув жадвали, гуруҳда бўш жойларнинг мавжудлиги (кундузги машғулотлари учун) ва ушбу бобнинг 22-23-бандларида кўрсатилган ўқиш муддатлари ва даврларига амал қилиш зарурлиги ҳисобга олинади.

Кейинги коррупцияга қарши курашиш бўйича ўтказиладиган умумий ўқув машғулотлари ва Вазирлик тизими ходимларининг одоб-ахлоқ қоидалари бўйича ўтказиладиган умумий ўқув машғулотлари Кадрлар бошқармаси (бўлими) масъул ходими томонидан барча ходимлар учун даврий равишда, йилига камида бир марта тайинланади.

26. Ходим коррупция хавфига кўпроқ мойил бўлган лавозимда (Ўзбекистон Республикаси Олий ва ўрта махсус таълим вазирлиги тизимида коррупция хавфини баҳолаш услубига мувофиқ) ишласа ёки ходим мана шундай лавозимга тайинланса коррупцияга қарши курашиш бўйича махсус ўқув машғулотларидан ўтиш (батафсил маълумот учун мазкур Методик

кўрсатмаларнинг 16-18-бандларига қаранг), Вазир / Вазирликнинг ҳудудий бошқармалари ва унинг тасарруфидаги марказлар ва муассасалар раҳбарлари томонидан тасдиқланган одоб-ахлоқ ва коррупцияга қарши курашиш бўйича йиллик ўқув жадвалларида белгиланган муддатларда амалга оширилади.

27. Кадрлар бошқармалари (бўлимлари) ҳар йили одоб-ахлоқ ва коррупцияга қарши курашиш бўйича ўқув жадвалларини тузадилар (меъёрий-ҳуқуқий назорати бўлими ва коррупцияга қарши курашиш бўйича координаторлар / масъул шахслар иштирокида) ва уларни 31 декабргача Вазир / Вазирликнинг ҳудудий бошқармалари ва унинг тасарруфидаги марказлар ва муассасалар раҳбарларига тасдиқлаш учун тақдим этадилар.

Одоб-ахлоқ ва коррупцияга қарши курашиш бўйича ўқитиш жадвалларини тузишда ходимларнинг олдинги ўқув машғулотларидан ўтган саналари ҳисобга олинади.

Одоб-ахлоқ ва коррупцияга қарши курашиш соҳасидаги ўқитиш жадвалларида ўқув курсининг номи, санаси, шунингдек, ўқув машғулотлари тайинланган лавозимлар кўрсатилиши шарт.

Одоб-ахлоқ ва коррупцияга қарши курашиш соҳасида тасдиқланган жадвалга мувофиқ, Кадрлар бошқармалари (бўлимлари) нинг масъул ходимлари, ходимларга ўқув машғулотларидан ўтиш зарурлиги ҳақида ўқув машғулотлари бошланишидан камида 10 иш куни олдин электрон почта орқали хабарнома юбориши ёки бошқа йўл билан уларга хабар бериши шарт. Агар белгиланган муддат ичида ўқув машғулотларидан ўтишнинг имкони бўлмаса (кундузги таълим учун, мавсумий юкломанинг кўплиги, касаллик таътили, режали таътил каби сабаблар юзасидан), ўқув машғулотлари бошланишидан камида 5 (беш) кун олдин, ходим ўқишни бошқа санага ўтказиш мақсадида Кадрлар бошқармалари (бўлимлари)ни хабардор қилиши шарт.

28. Вазирлик тизимида коррупция ҳаракатлари аниқланган ҳолатда ёки Вазирнинг қарори билан коррупцияга қарши курашиш бўйича ўқув машғулотлари тайинланганда, коррупцияга қарши курашиш бўйича ўқув машғулотларидан ўтиш Вазир ёки Вазирликнинг ҳудудий бошқармалари ва унинг тасарруфидаги марказлар ва муассасалар раҳбарлари фармойишлари ва буйруқларида белгиланган муддатларда ўтказилади.

29. Одоб-ахлоқ ва коррупцияга қарши курашиш бўйича ўқиш кундузги тартибда, онлайн тартибда ёки ходимлар томонидан дарсларни автоматик кузатиб бориш ва билимларни назорат қилиш функциясига эга автоматлаштирилган масофавий ўқитиш платформасидан фойдаланган ҳолда амалга оширилиши мумкин. Вазирлик, унинг ҳудудий бошқармалари ва унинг тасарруфидаги марказлар ва муассасаларнинг барча ходимлари

кўрсатилган платформадаги машғулотларга кириш имкониятига эга бўлишлари керак.

7-боб. Ўқув машғулотларидан ўтиш интизомини назорат қилиш ва ҳужжатларни сақлаш

30. Кадрлар бошқармалари (бўлимлари) Вазирлик тизими ходимларининг одоб-ахлоқ ва коррупцияга қарши курашиш бўйича ўқув машғулотларидан ўтиши тўғрисидаги маълумотларни тўплайди ва ҳар чорақда уни ҳуқуқий-меъёрий назорат бўлимига ёки ҳудудий бошқармалар ёки бўйсунувчи марказлар ва муассасалардаги коррупцияга қарши курашиш бўйича координаторлар / масъул шахсларга тақдим этади.

Меъёрий-ҳуқуқий назорат бўлими ёки коррупцияга қарши кураш бўйича координаторлар / масъул шахслар олинган маълумотларни (шу жумладан, ўқув машғулотларидан ўтиш интизоми, ходимлар учун энг катта қийинчиликларни келтириб чиқарадиган мавзулар ва тест саволлари, шунингдек (имкон қадар) Вазирлик тизимида ўтказилган машғулотлар борасидаги қайта алоқа бўйича) таҳлил қиладилар ва таҳлил натижаларини коррупцияга қарши кураш тизимининг ишлаши ва ривожланиши тўғрисидаги мунтазам ҳисоботга киритилишини, шунингдек ўқув материалларини тўғриланишини (агар керак бўлса) таъминлайдилар.

31. Агар ходим белгиланган муддат ичида ўқув машғулотида ёки унинг якуни бўйича тайинланган тест синовларидан ўтмаган бўлса, тегишли Кадрлар бошқармаси (бўлими) бошлиғи ходимга нисбатан тегишли қарор қабул қилиниши учун бу ҳақда ходимнинг раҳбарига хабар беради (электрон почта орқали).

32. Одоб-ахлоқ ва коррупцияга қарши курашиш бўйича ўқув машғулотлари жадвали, даволат ҳужжатлари, тест натижалари, ўқув машғулотларидан ўтганликни тасдиқловчи бошқа ҳужжатлар Кадрлар бошқармасида (бўлимларида) сақланиши шарт.

33. Вазирлик тизими ходимларининг ташқи ўқув машғулотларидан ўтганликларини тасдиқловчи сертификатлар / бошқа тасдиқ ҳужжатлари нусхалари ҳам Ўзбекистон Республикаси қонунчилигида назарда тутилган муддатда ходимларнинг шахсий ҳужжатлари ичида сақлаш учун Кадрлар бошқармасига (бўлимларига) берилади.

8-боб. Қайта кўриб чиқиш ва ўзгартириш киритиш тартиби

34. Мазкур Услубий кўрсатмалар Ўзбекистон Республикаси қонунчилигида, Вазирлик тизимининг ички ҳужжатларида ва/ёки одоб-ахлоқ ва коррупцияга қарши курашиш соҳасидаги етакчи халқаро тажрибаларда ёки коррупцияга қарши курашиш бўйича ўқув машғулотларини ташкил этишда мавжуд ички ҳужжатларни қайта кўриб чиқиш заруратини келтириб чиқарадиган ўзгартиришлар бўлганда қайта кўриб чиқилиши керак. Мазкур Услубий кўрсатмаларга ўзгартириш киритиш учун жавобгарлик меъёрий-ҳуқуқий назорат бўлими зиммасида бўлади.

9-боб. Жавобгарлик

35. Ходимлар, лавозимидан, хизмат муддатидан, мақомидан ва бошқа омиллардан қатъи назар, Мазкур Услубий кўрсатмалар тамойиллари ва талабларига риоя этишлари учун шахсан жавобгардирлар.

Ўзбекистон Республикаси Олий ва ўрта махсус таълим вазирлиги тизими ходимларини одоб-ахлоқ ва коррупцияга қарши курашиш борасида ўқитишни ташкил этиш бўйича Услубий кўрсатмаларга илова

Ўзбекистон Республикаси Олий ва ўрта махсус таълим вазирлиги тизими ходимларини коррупцияга қарши курашиш бўйича умумий ўқитишга мўлжалланган ўқув машғулотларининг НАМУНАВИЙ МАВЗУЛАРИ

Мавзу	Таркибий қисмлар
Коррупциянинг табиати.	Коррупция тушунчаси, шакллари ва сабаблари; Коррупциянинг мазмуни ижтимоий-ҳуқуқий ҳодиса сифатида; Коррупцияга жамиятдаги муносабат.
Коррупцияга қарши курашнинг ҳуқуқий асослари.	Коррупцияга қарши курашиш соҳасидаги қонун ҳужжатлари; Коррупцияга қарши кураш бўйича Вазирлик тизимидаги ички ҳужжатлар; Коррупцияга қарши курашнинг халқаро амалиёти.
Вазирлик тизимида коррупцияга қарши кураш усуллари.	Коррупцияга қарши курашиш тизими элементларини, шунингдек Вазирлик тизимидаги коррупцияга қарши курашнинг асосий чора-тадбирларини кўриб чиқиш; Вазирлик тизимидаги манфаатлар тўқнашувининг олдини олиш, уларни аниқлаш ва ҳал қилиш; Ўзбекистон Республикаси Олий ва ўрта махсус таълим вазирлиги тизимида коррупцияга қарши курашиш тўғрисидаги низом; Коррупцияга қарши курашиш соҳасидаги ходимлар ва таркибий бўлинмаларнинг мажбуриятлари ва ваколатлари; Маъмурий тартиб ва қоидалардан фойдаланиш. Маъмурий тўсиқлар ва расмиятчиликни бартараф этиш; Коррупция хатти-ҳаракатлари / уларни содир этиш хавфи аниқланган ҳолатлардаги ҳаракатлар; Коррупция ҳаракатлари тўғрисидаги хабарлар (хабарларни юбориш каналлари, хабарларнинг мазмуни бўйича тавсиялар, хабарларни кўриб чиқиш тамойиллари).
Коррупция хавфлари ва хавфли вазиятларда ўзини тутиш қоидалари	Вазирлик тизимидаги коррупция хавфлари ва ҳаракатларининг асосий турлари; Назорат ва рухсат бериш, функцияларини ва амалиётларини бажариш доирасидаги коррупция хавфлари ва хавфли вазиятлардаги хатти-ҳаракат қоидалари; Иш юзасидан совғалар бериш/олишдаги коррупция хавфлари ва иш юзасидан меҳмондўстлик белгилари ва хавфли вазиятларда ўзини тутиш қоидалари;

Мавзу	Таркибий қисмлар
	<p>Илмий тадқиқот ишларини амалга оширишда коррупция хавфлари ва хавфли вазиятларда ўзини тутиш қоидалари;</p> <p>Талабаларнинг ўзлаштиришини баҳолашдаги коррупция хавфи ва хавфли вазиятларда ўзини тутиш қоидалари;</p> <p>Абитурийентларни олий ўқув юртлари ва ўрта махсус таълим муассасаларига қабул қилишда коррупция хавфлари ва хавфли вазиятларда ўзини тутиш қоидалари;</p> <p>Талабаларнинг ўқишини кўчириш, ўқишдан четлатиш ва ўқишни қайта тиклаш пайтидаги коррупция хавфлари ва хавфли вазиятларда ўзини тутиш қоидалари;</p> <p>Талабаларнинг якуний давлат аттестацияси натижаларини чиқариш пайтидаги коррупция хавфлари ва хавфли вазиятларда ўзини тутиш қоидалари;</p> <p>Фуқаролар, контрагентлар ва учинчи шахслар билан мулоқот қилишдаги коррупция хавфлари ва хавфли вазиятларда ўзини тутиш қоидалари;</p> <p>Вазирлик тизимида ходимларни танлаб олиш ва ёллашдаги коррупция хавфлари ва хавфли вазиятларда ўзини тутиш қоидалари;</p> <p>Харидларни амалга оширишдаги коррупция хавфлари ва хавфли вазиятларда ўзини тутиш қоидалари;</p> <p>Вазирлик, унинг ҳудудий бошқармалари ва унинг тасарруфидаги марказлар ва муассасалар фаолиятидаги бошқа хавфлар.</p>
<p>Коррупция ҳаракатлари учун жавобгарлик.</p>	<p>Коррупция ҳаракатлари учун интизомий жавобгарлик;</p> <p>Коррупция ҳаракатлари учун жиноий жавобгарлик;</p> <p>Коррупция ҳаракатлари ҳақидаги ишлар бўйича Ўзбекистон Республикаси суд амалиёти боарсидаги қисқача маълумотлар.</p>
<p>Фуқаролик жамияти коррупцияга қарши.</p>	<p>Жамоатчилик назорати коррупцияга қарши курашиш воситаси сифатида;</p> <p>Фуқароларнинг ҳуқуқий маданиятини ошириш;</p> <p>Коррупцияга қарши курашиш бўйича жамоатчилик фикри ва хулқ-атворини шакллантириш;</p> <p>Фуқаролик жамияти институтларининг Вазирлик тизими билан биргаликдаги ҳаракати.</p>



Ўзбекистон Республикаси олий
ва ўрта махсус таълим вазирининг
2021 йил 24 октябрь даги 443 -сон
буйруғига 6 - илова

**Ўзбекистон Республикаси Олий ва ўрта махсус таълим вазирлигида
коррупцияга қарши кураш тизимининг ҳолати тўғрисидаги ҳисоботни
шакллантириш ва тақдим этиш бўйича
НИЗОМ**

1-боб. Умумий қоидалар

1. Мазкур Низом Ўзбекистон Республикаси Олий ва ўрта махсус таълим вазирлиги марказий аппарати, унинг тасарруфидаги марказлар, ҳудудий бошқармлар ва муассасалар (кейинги ўринларда – Вазирлик тизими) да коррупцияга қарши курашиш тизимининг фаолият юритиши ва коррупцияга қарши тадбирларни амалга ошириши тўғрисидаги ҳисобдорликни шакллантириш тартибини белгилайди.

2. Вазирлик тизимида коррупцияга қарши курашиш тизимининг фаолият юритиши ва ривожланиши масалалари бўйича ҳисоботларни (кейинги ўринларда – Ҳисоботлар) шакллантириш ва тақдим этиш учун маъсулият Вазирликнинг Комплаенс назорат ва коррупцияга қарши курашиш бўлими зиммасида (кейинги ўринларда – Бўлим) бўлади.

Вазирлик тизимининг ҳудудий ва таркибий бўлинмалари ҳисоботни тақдим қилиш учун маъсулият ҳудудий ва таркибий бўлинмалардаги коррупцияга қарши курашиш учун масъул ходим (кейинги ўринларда – Масъул ходим) зиммасида бўлади.

2-боб. Ҳисобот турлари ва уни тузиш даврийлиги

3. Вазирлик тизимида қуйидаги ҳисобот турлари назарда тутилади:

а) Вазирлик тизимида коррупцияга қарши курашиш тизимининг фаолият кўрсатиши тўғрисидаги, шу жумладан, Вазирлик тизимининг коррупцияга қарши Дастури ёки йўл харитаси тадбирларини амалга оширилишини бўйича ҳисобот ҳар чоракда Комплаенс назорат ва коррупцияга қарши курашиш тузилмалари томонидан мазкур Низомнинг 3-бобида белгиланган тартибда тузилади;

б) Коррупцияга қарши курашишга оид давлат дастурида режалаштирилган тадбирларни амалга ошириш тўғрисидаги ҳисобот ҳар чоракда Комплаенс назорат ва коррупцияга қарши курашиш тузилмалари томонидан мазкур Низомнинг 4-бобида белгиланган тартибда тузилади;

4. Ҳисобот мунтазам равишда ушбу Низомда белгиланган тартибда ва муддатларда, Вазирлик тизимида коррупцияга қарши курашиш тизимининг ҳолатидан, шунингдек, ҳисобот даврида коррупцияга қарши тадбирлар ўтказилган ёки йўқлигидан қатъий назар, тузилади.

5. Йилнинг IV чораги учун ҳисобот тузилмайди, унинг ўрнига йиллик ҳисобот тайёрланади.

6. Ҳар чораклик ва ҳар йиллик ҳисобот Вазирлик раҳбариятига топширилади.

Вазирликнинг марказий аппаратидаги Комплаенс назорат ва коррупцияга қарши курашиш бўлими ҳар чоракда, кейинги чорак биринчи ойнинг 25 санасидан кечиктирмай ҳар чораклик Вазирликнинг умумий ҳисоботини Ўзбекистон Республикаси Коррупцияга қарши курашиш агентлигига (кейинги ўринларда – Агентлик) кўриб чиқиши учун киритиб боради.

7. Вазирликнинг йиллик ҳисоботидаги умумий ахборот Интернет тармоғидаги расмий веб-сайтида эълон қилинади. Мазкур ахборот Вазирликнинг Комплаенс назорат ва коррупцияга қарши курашиш бўлими томонидан тайёрланади.

3-боб. Коррупцияга қарши курашиш тизимининг фаолият кўрсатиши тўғрисида ҳисоботни шакллантириш тартиби

8. Вазирлик тизимида коррупцияга қарши курашиш тизимининг фаолият кўрсатиши тўғрисидаги ҳисобот коррупцияга қарши курашиш тизимини мониторинг ва назорат қилиш, шунингдек, Вазирлик тизимининг коррупцияга қарши Дастур ёки Йўл харитаси тадбирларини амалга оширилишини мониторинг қилиш мақсадида тузилади.

9. Ҳисобот ҳар чоракда Комплаенс назорат ва коррупцияга қарши курашиш бўлими томонидан ҳисобот давридан кейинги ойнинг 20 санасидан кечиктирмай тузилади ва Вазирлик раҳбариятига кўриб чиқиш учун топширилади.

10. Ҳисоботни шакллантириш қуйидаги тартибда амалга оширилади:

а) ҳисобот давридан кейинги ойнинг 2 санасидан кечиктирмай, Вазирлик марказий аппаратидаги Комплаенс назорат ва коррупцияга қарши курашиш бўлими Масъул ходимларга ушбу ойнинг 10 санасигача тегишли раҳбарлар томонидан тасдиқланган мазкур Низомга 1-иловага мувофиқ ҳисобот тақдим этиши тўғрисида хабарнома юборади;

б) Вазирликнинг марказий аппарати бўлинмаларининг ҳисоботи Бўлим томонидан тузилади ва Вазирликнинг коррупцияга қарши курашиш йуналишига масъул бўлган раҳбар ўринбосари томонидан тасдиқланади;

Коррупцияга қарши курашиш фаолияти тўғрисидаги ҳисоботнинг бирон-бир бўлими бўйича тадбирлар ўтказилмаган тақдирда, тадбирлар амалга оширилмаганлиги сабабини кўрсатиш лозим.

в) Ҳисоботларга киритилган ахборот тегишли ҳужжатлар нусхалари ва бошқа маълумотларга асосланган бўлиши керак;

г) Вазирликнинг марказий аппаратидаги Комплаенс назорат ва коррупцияга қарши курашиш бўлими ушбу Низомга 2-иловада кўрсатилган шаклда Вазирлик тизимида коррупцияга қарши курашиш бўйича тизимнинг фаолият кўрсатиши тўғрисидаги умумий ҳисоботни тузади ҳамда қўшимча равишда унга ушбу Низомга 1-иловадаги шакл бўйича Вазирлик тизими бўйича тузилган ҳисоботдаги маълумотларни киритади.

Ҳисоботда асосий ахборотни ўзида акс эттирган қисқача маълумотнома ва таклифлар бўлиши керак. Йиллик ҳисобот ўз ичига ўтган йилнинг худди шундай кўрсаткичларига эга бўлган солиштирма таҳлилни ҳам қамраб олиши керак.

11. Вазирлик тизимида коррупцияга қарши курашиш тизимининг фаолият кўрсатиши тўғрисидаги ҳисоботлар ва Вазирлик тизимида коррупцияга қарши курашиш тизимининг фаолият кўрсатиши тўғрисидаги умумий ҳисоботни тузишда Комплаенс назорат ва коррупцияга қарши курашиш бўлими тегишли бўлинма ходимларидан зарур ҳужжатлар, тушунтириш ва статистикани сўраш ва олиш ҳуқуқига эга.

12. Комплаенс назорат ва коррупцияга қарши курашиш бўлими қисқа маълумотнома бириктирилган коррупцияга қарши курашиш тизимининг фаолият кўрсатиши тўғрисидаги умумий ҳисоботини ҳисобот давридан кейинги ойнинг 21 санасигача Вазирлик раҳбариятига тақдим этади.

4-боб. Коррупцияга қарши курашга оид давлат дастурларида режалаштирилган тадбирларни амалга ошириш тўғрисидаги ҳисоботни шакллантириш тартиби

13. Коррупцияга қарши курашишга оид Давлат дастурида режалаштирилган тадбирларни амалга ошириш тўғрисидаги ҳисобот ушбу Низомга 3-иловага мувофиқ шаклда тузилади.

14. Коррупцияга қарши курашишга оид Давлат дастурида режалаштирилган тадбирларни амалга ошириш тўғрисидаги ҳисобот Комплаенс назорат ва коррупцияга қарши курашиш бўлими томонидан Вазирлик тизимида коррупцияга қарши курашиш тизимининг фаолият кўрсатиши тўғрисидаги умумий ҳисобот билан бир вақтда тузилади.

15. Коррупцияга қарши курашиш бўйича Давлат дастурида режалаштирилган тадбирларнинг амалга оширилгани тўғрисидаги ҳисобот раҳбар томонидан кўриб чиқилгандан кейин Агентликка юборилади.

5-боб. Якуний қоидалар

16. Ўзбекистон Республикаси қонунчилиги ва Вазирликнинг ички идоравий ҳужжатларга ўзгартиш ва қўшичалар киритилган тақдирда ушбу Низом қайта кўриб чиқилиши мумкин.

**Ўзбекистон Республикаси Олий ва ўрта
махсус таълим вазирлигида коррупцияга
қарши кураш тизимининг ҳолати тўғрисидаги
ҳисоботни шакллантириш ва тақдим этиш
бўйича низомига 1-илова**

**Вазирлик тизимида коррупцияга қарши курашиш тизимининг
фаолият кўрсатиши тўғрисида ҳисобот**

Вазирлик номи:	
Ҳисоботни тайёрлаган ходим (Коррупцияга қарши курашиш учун маъсуллар):	ФИШ, лавозими, тузилмаси
Ҳисобот даври:	
Ҳисобот тайёрланган сана:	

Т/р	Тадбирлар гуруҳининг номлари	Тадбирларнинг номлари	Бажариш муддати	Маъсул ижрочилар	Ижро тўғрисида белги	Ижро этилмаган бўлса, ижро этилиши кутилаётган муддат	Бажарилганликини тасдиқлаш, бажарилмаган бўлса сабаблари

Т/р	Тадбир	Натижалар
II. Ички ҳужжатлар		
1.	Ички ҳужжатларни мослаштириш	Вазирлик тизимида ҳисобот даври учун мослаштирилган коррупциявий хавф-хатарларни камайтириш бўйича чоралар ёки коррупцияга қарши курашишга оид тартиб-таомилларга эга бўлган ички ҳужжатларни (сиёсатлар, регламентлар, стандартлар, йўриқномалар ва ш.к.) кўрсатиш зарур.
2.	Хавф-хатарли вазифа ва тартиб-таомиллар кесимида коррупциявий хавф-хатарларни камайтиришга оид янги коррупцияга қарши тартиб-таомиллар ва чоралар ҳамда коррупцияга қарши масалаларни тартибга солувчи ички ҳужжатларни ишлаб чиқиш.	Ҳисобот даврида ишлаб чиқилган ва тасдиқланган коррупцияга қарши курашиш соҳасига киритилган соҳаларни тартибга солувчи ички ҳужжатларни (сиёсатлар, регламентлар, стандартлар, йўриқномалар ва ш.к.) кўрсатиш зарур.
III. Шахсий намуна		
3.	Вазир ва унинг ўринбосарларининг ички тадбирлардаги чиқишлари (нутқи).	3-б-бандларда вазирлик тизими раҳбарлари ва уларнинг ўринбосарларининг қонунчилик талабларига риоя қилиш, коррупцияга нисбатан муросасиз бўлиш, таркибий бўлинмада белгиланган коррупцияга қарши назорат ва тартиб-таомилларга амал қилишнинг муҳимлиги тўғрисидаги позицияси, фикр мулоҳазалари очик эътироф этилган тадбирларни кўрсатиш лозим.
4.	Коррупцияга қарши курашиш масалалари бўйича ички коммуникацияни тарқатиш (Вазир ва унинг ўринбосарларининг номидан).	
5.	Вазир ва унинг ўринбосарларининг ОАВдаги фикр-мулоҳазалари.	

III. Хавф-хатарларни баҳолаш		
6.	Вазирлик тизимида коррупциявий хавф-хатарлар бўйича ҳар йиллик баҳолаш ўтказиш	Ҳа ўтказилган\ўқ ўтказилмаган (сабаблари кўрсатилади) \ жараёнда (қайси босқичдалиги кўрсатилади)
7.	Ҳисобот даври учун Вазирликда иш жараёнда янги аниқланган коррупциявий хавф-хатарларни баҳолаш ва уларнинг даражалари (юқори, ўрта, паст).	Янги коррупциявий хавф-хатарлар қайси жараёнларда аниқланганлиги, уларнинг даражаси санаб ўтилади. Қандай коррупциявий хавф-хатарлар қайта баҳоланди, янги даража, баҳони ўзгартириш сабаблари ва коррупциявий хавф-хатарларни камайтириш бўйича таклифлар. Вазирликнинг коррупциявий хавф-хатарлар ҳаритаси илова қилинади.
8.	Ҳисобот даврида аниқланган коррупциявий хавф-хатарларни тартибга солиш бўйича амалга оширилган тадбирлар	
9.	Қолдик коррупциявий хавф-хатар юқори бўлган аниқланган коррупциявий хавф-хатарлар сони	Қолдик таваккал юқори бўлган коррупциявий хавф-хатарларнинг фойздаги нисбати кўрсатилади
10.	Қолдик коррупциявий хавф-хатар ўрта ва ундан паст даражага камайтирилган аниқланган коррупциявий хавф-хатарлар сони	Қолдик коррупциявий хавф-хатарлар ўрта ва ундан паст даражага камайтирилган коррупциявий хавф-хатарлар умумий сонига фойздаги нисбатини кўрсатиш зарур
IV. Коррупцияга қарши амалга ошириладиган тартиб-таомиллар		
11.	Вазирлик тизимида аниқланган манфаатлар тўқнашуви ҳолатлари ва қабул қилинган чоралар	Вазирлик тизимида аниқланган манфаатлар тўқнашуви ҳолатларининг сонини кўрсатиш ёки аниқланган манфаатлар тўқнашуви ҳолатлари реестрини илова қилиш зарур.
12.	Ходимлар томонидан ҳар йили манфаатлар тўқнашувини декларация қилиш	Ҳар йиллик манфаатлар тўқнашувини декларациялаш тартиб-таомилларидан ўтган ходимларнинг вазирлик тизимидаги умумий ходимлар сонига фойзалдаги нисбатини кўрсатиш зарур Ҳар йили манфаатлар тўқнашуви декларациясини амалга ошириши шарт бўлган манфаатлар тўқнашувини декларациялаш тартиб-таомилларидан ўтган ходимларнинг вазирлик тизимидаги умумий ходимлар сонига фойзалдаги нисбатини кўрсатиш зарур
13.	Ишга олинган ходимлар ва номзодлар устидан ўтказилган текширувлар сони.	Вазирлик тизимида ишга қабул қилинган ходимлар сонини ва вазирлик тизимидаги лавозимга номзодлар текшируви сонини кўрсатиш зарур. Текширув ўтказилмаган бўлса сабабини кўрсатиш зарур
14.	Ҳисобот даврида ўтказилган контрагентлар текширувлари сони	Ҳисобот даврида ўтказилган контрагентлар текширувлари сонини, текширувлар натижалари бўйича ижобий ва салбий хулосаларнинг фойзалдаги нисбатини кўрсатиш зарур. Текширув ўтказилмаган бўлса сабабини кўрсатиш зарур
15.	Амалга ошириладиган бошқа коррупцияга қарши тартиб-таомиллар	Мавжуд бўлганда ушбу бўлимда кўрсатилмаган бошқа амалга ошириладиган коррупцияга қарши тадбирларни кўрсатиш
V. Таълим ва коммуникация		
16.	Коррупцияга қарши курашиш масалалари бўйича тренинглар ўтказиш: барча ходимлар учун; коррупциявий таваккалчиликка энг қўпроқ мойилик эҳтимоли бўлган вазифаларни бажарувчи бўлимлар учун	Тренинглар тури ва шакли, ўқитилган ходимлар сони, уларнинг лавозимлари даражаси ва бўлимларини кўрсатиш
17.	Вазирлик тизимида яқинда ишга олинган ходимлар учун тренинглар ўтказиш.	Коррупцияга қарши курашиш масалалари бўйича тренинглардан (умумий, танিশув) ўтган янги ходимларни умумий янги ходимлар сонига фойзалдаги нисбати тренинглар мавзуси кесимида кўрсатиш.
18.	Ходимларнинг коррупцияга қарши қонунчилик талаблари ва бўлимда амалга ошириладиган коррупцияга қарши чоралардан хабардорлигини оширишга оид бошқа тадбирлар	Тадбир ништирокчиларнинг мақсадли гуруҳини, уларни сони (имкони бўлса), мавзуси ва турини (масалан, танловлар, викториналар, сўровномалар ва б. кўрсатилади) ва унинг яқунларини кўрсатиш.
19.	Коррупцияга қарши кураш учун маъсуллар томонидан бажарилган коррупцияга қарши кураш меъёрлари мавзусида ахборот- тарқатма материаллари.	Коррупцияга қарши талаблар ва тартиб-таомилларга амал қилиш зарурати тўғрисидаги, шу жумладан, уларнинг тўғри талқин қилиниши ва уларга тўғри амал қилиш тўғрисидаги хабарнома ва бошқа тарқатма материаллар.
20.	Ходимларнинг ахлоқ-одоб маданиятини шакллантириш, уларни коррупцияга қарши кураш тизими ва коррупцияга қарши қонунчиликнинг талаблари ҳақида хабардор қилишнинг бошқа усуллари.	Масалан, бинолардаги ахборот плакатлари ва бошқа материаллар, скринсвайерлар, ишчи компьютерлар экранига қўйиладиган суратлар ва бошқалар
21.	Фуқаролик жамияти ва бўлимда контрагентлари учун коррупцияга қарши тадбирларни ўтказиш	Фуқаролик жамияти вакиллари учун коррупцияга қарши тадбирларни ўтказишнинг сони, номланиши, моҳияти ва натижаларини кўрсатиш (масалан, коррупцияга қарши кураш куни, коррупцияга қарши мавзудаги ишлар танлови). Шартномаларига коррупцияга қарши қўшимча шартлар киритилган янги контрагентларнинг янги контрагентларнинг умумий сонига фойзалдаги нисбати.
VI. Коррупциявий хатти-харакалар ва қондабузарликлар тўғрисидаги хабарлар. Таъсир чоралари		
22.	Хатти-харакалар, шу жумладан, потенциал хатти-харакалар учун алоқа каналларига келиб тушган	Хабарлар сонини қуйидаги маълумотларни ҳам киритган ҳолда кўрсатиш. келиб тушган санаси келиб тушган алоқа канали, хабар

	хабарлар сони	мавзуси, тегишли ҳисоботни илова қилиш.
23	Хизмат текшируви ўтказилган; Коррупцияга қарши қонунчилик бузилганлиги тўғрисида тасдиқланган ҳолатлар (шу жумладан, меъёрий-ҳуқуқий ҳужжатлар ва мақолалар кесимида) аниқланган; Бўлинмада белгиланган коррупцияга қарши назорат ва тартиб-таомилларнинг бузилиш ҳолатлари аниқланган (шу жумладан, ички ҳужжатлар кесимида); Айбдорлар аниқланган ҳолатлар сони	Ҳар бир банд бўйича ҳолатлар сонини кўрсатиш.
24	Қабул қилинган таъсир чоралари.	Қандай коррекциялаш чоралари, шу жумладан, интизомий чоралар, ички назорат тизимида қандай камчиликлар аниқланди ва назоратни кучайтириш учун қандай чоралар таклиф қилинди
VII. Мониторинг ва назорат		
25	Ҳисобот даврида мавжуд коррупцияга қарши курашиш талаблар, назорат тадбирлари ва тартиб-таомиллар бажарилиши устидан текширувлар ўтказилганлиги	Вазирлик тизимида коррупцияга қарши кураш бўйича масъуллар томонидан ўтказилган текширув тадбирларини, шу жумладан, уларнинг сонини қуйидаги кесимда кўрсатиш Текширув объектлари (бошқарма, бўлим); Текширув мавзуси (масадан, харидлар, кадрлар); Текширув тадбирлари тури (аудит, таваккал транзакциялари мониторинги ёки процедуралари ва б.); Текширув тадбирлари характери (режали, режадан ташқари)
26	Бўлинмада белгиланган назорат тадбирлари ва тартиб-таомиллар бузилиш ҳолатлари аниқлангани ва уларга нисбатан қўлланилган таъсир чоралари?	Қайси тартиб-таомил ёки вазифани бажаришда қандай қондабузарликлар аниқланган? Аниқланган ҳолатлар сонини кўрсатиш. Вазифа ва тартиб-таомилларни бажарувчи шахслар учун қандай тавсиялар тайёрланган. Улар қандай расмийлаштирилган (масалан, буйруқ ёки бошқа ички ҳужжатлар)?

Хулосалар: Ҳудудий ва таркибий бўлинмаларда коррупцияга қарши чораларни амалга оширишнинг асосий натижаларини кўрсатиш, коррупцияга қарши курашиш тизими ҳолатига умумий баҳо бериш, зарурият туғилганда аввалги даврлар кўрсаткичлари билан таққослама таҳлил ўтказиш, қониқарли натижаларга эришганлик ёки эришмаганлик сабабларини кўрсатиш зарур.

Коррупцияга қарши курашиш тизимини янада ривожлантириш бўйича таклифлар ва коррекцияловчи тадбирлар режаси: келгуси ҳисобот даврида ҳисобдорликнинг алоҳида элементларини яхшилаш имконини берувчи асосий тадбирларни кўрсатиш зарур.

Ўзбекистон Республикаси Олий ва ўрта махсус
таълим вазирлигида коррупцияга қарши кураш
tizимининг ҳолати тўғрисидаги ҳисоботни
шакллантириш ва тақдим этиш бўйича
низомига 2-илова

**Вазирликда коррупцияга қарши курашиш тизимининг фаолият кўрсатиши
тўғрисида 202..йил –чи чорак учун
УМУМИЙ ҲИСОБОТ**

**I. Вазирликнинг Коррупцияга қарши чора-тадбирлар дастури
бажарилгани тўғрисида умумий ахборот¹**

Вазирлик томонидан коррупцияга қарши курашиш тадбирларнинг амалга оширилгани тўғрисидаги қисқа маълумот, шу жумладан марказий аппарат, ҳудудий ва таркибий бўлинмалар кесимида коррупцияга қарши курашиш тадбирларини амалга оширган бўлинмалар сонини кўрсатиш зарур;

Ҳудудий ва таркибий бўлинмалар кесимида Коррупцияга қарши курашиш тадбирларни амалга оширмаган бўлинмалар кўрсатилади, шунингдек, ҳисоботга иловада уларнинг номи, амалга оширилмаган тадбирлар ва қисқача-асосий сабабларини алоҳида кўрсатиш лозим.

II. Сиёсат ва тартиб-таомиллар

Коррупцияга қарши курашиш бўйича соҳаларни тартибга солувчи, ва ҳисобот даврида марказий аппарат, ҳудудий ва таркибий бўлинмалар кесимида татбиқ этилган коррупцияга қарши соҳасига тааллуқли бўлган норматив-ҳуқуқий ва ички ҳужжатлар (сиёсатлар, регламентлар, стандартлар, йўриқномалар ва шу кабилар)ни кўрсатиш лозим.

III. Хавф-хатарларни баҳолаш²

Вазирлик томонидан хавф-хатарларни баҳолаш амалга оширилганлиги тўғрисидаги ахборот, шу жумладан, коррупциявий хавф-хатарларни баҳолашни амалга оширган ва ўзларининг коррупциявий хавф-хатарлар матричасини янгилаган марказий аппарат, ҳудудий ва таркибий бўлинмалар кесимида кўрсатиш керак;

¹Ушбу бўлимда ва кейинги ўринларда ҳисоботнинг ҳар бир бўлими бўйича қуйидагиларни кўрсатиш керак:

- Бирлашган кўринишда марказий аппарат, ҳудудий ва таркибий бўлинмалар кесимида ҳисобот даври учун маълумотлар. Агар зарурият бўлса, алоҳида бўлинмалар ва улар бўйича маълумотларни кўрсатиш;
- Зарурият туғилганда аввалги даврлар кўрсаткичлари билан солиштирма таҳлил ўтказиш, қониқарли натижаларга эришганлик/эришмаганлик сабабларини кўрсатиш лозим.

² Бўлим фақат ҳар йиллик ҳисобот даврида тўлдирилади. Мазкур бўлимда Вазирлик тизимида коррупциявий хавф-хатарни баҳолашни ўтказиш услубиётига мувофиқ амалга оширилган хавф-хатарларни баҳолаш натижалари бўйича таҳлилий ахборот акс эттирилади.

Коррупциявий хавф-хатарларни баҳолашни амалга оширмаган ҳудудий ва таркибий бўлинмалари сони вилоятлар, вазирликнинг ҳудудий ва таркибий бўлинмалари кесимида кўрсатилади, шунингдек ҳисоботга иловада уларнинг номи ва уларнинг бажарилмаганлиги сабаблари қисқача кўрсатилади;

Баҳолаш жараёнида янги аниқланган коррупциявий хавф-хатарлар марказий аппарат, ҳудудий ва таркибий бўлинмалари кесимида кўрсатилади. Шунингдек, ҳисобот даврида аниқланган коррупциявий хавф-хатарларни бошқариш бўйича тақлиф этилган ва амалга оширилган тадбирлар қайд этилади;

Коррупциявий хавф-хатарларнинг тоифалар бўйича нисбати (юқори, ўрта, паст) ҳудудий ва таркибий бўлинмалари кесимида кўрсатилади;

Ҳудудий ва таркибий бўлинмалар кесимида Вазирлик тизими учун юқори бўлган қолдиқ коррупциявий хавф-хатарлар, шунингдек, кўрсатилган коррупциявий хавф-хатарларни камайтириш учун тақлиф этилаётган тадбирларни кўрсатиш лозим (мавжуд бўлган тақдирда).

IV. Амалга ошириладиган коррупцияга қарши курашиш тартиб-таомиллар. Манфаатлар тўқнашувини тартибга солиш

Манфаатлар тўқнашуви декларацияланган ва тартибга солинган ҳолатлари сони, шу жумладан, ишга қабул қилиш, ҳар йиллик декларациялаш жараёнида³ (мавжуд бўлган тақдирда), марказий аппарат, ҳудудий ва таркибий бўлинмалар кесимида кўрсатилади;

Вазирлик тизимида манфаатлар тўқнашувини марказий аппарат, ҳудудий ва таркибий бўлинмалари кесимида манфаатлар тўқнашувининг йиллик декларацияси тартиб-таомилларидан ўтган ходимларнинг умумий ходимлар сонига фоизлардаги нисбати, шунингдек, декларацияланган ва тартибга солинган манфаатлар тўқнашуви ҳолатлари қайд этилади;

Вазирлик бўйича режалаштирилган манфаатлар тўқнашувининг ҳар йиллик декларацияланадиган манфаатлар тўқнашувига нисбатан кўрсаткичлари бажарилмаган ҳудудий ва таркибий бўлинмалари кесимида таҳлилий маълумотларни келтириш керак (масалан, манфаатлар тўқнашувини барча раҳбарлар декларациялаши лозим, амалда эса фақат 50% гина раҳбар буни бажарган);⁴

Ҳудудий ва таркибий бўлинмалари кесимида Вазирлик тизимида аниқланган манфаатлар тўқнашуви ва қабул қилинган чоралар бўйича, шу жумладан, умумий сони ва тоифалар кесимида (масалан, *харид процедураларидаги, иш бўйича бевосита бўйсунуш натижасида ва шу кабиларда*) таҳлилий маълумотларни келтириш лозим.

³ Манфаатлар тўқнашувини декларация қилиш ҳисобот даврида бажарилган бўлсагина ахборот тўлдирилади.

⁴ Ахборот фақат йиллик ҳисоботда тўлдирилади.

Коррупцияга қарши қоидаларни Вазирлик шартномаларига киритиш

Коррупцияга қарши қоидаларни вазирлик тизимининг хўжалик шартномаларига (шартномаларнинг фоизли нисбати) киритиш бўйича, шу жумладан марказий аппарат, ҳудудий ва таркибий бўлинмалари кесимидаги контрагентлар таҳририда таҳлилий маълумотларни келтириш, контрагентларнинг коррупцияга қарши қоидаларни шартномаларга киритишни рад этиш сабабларини кўрсатиш;

Марказий аппарат, ҳудудий ва таркибий бўлинмалари кесимида вазирлик тизимида контрагент томонидан коррупцияга қарши қоидалар бузилиши сабабли шартномаларни бекор қилиш бўйича таҳлилий маълумотларни кўрсатиш.

Контрагентларни текшириш

Ҳисобот даврида контрагентлар бўйича ўтказилган текширувлар сони, ижобий ва салбий хулосаларнинг фоизлардаги нисбати марказий аппарат, ҳудудий ва таркибий бўлинмалар кесимида кўрсатилади.

Ишга номзодларни текшириш

Марказий аппарат, ҳудудий ва таркибий бўлинмалари кесимида вазирлик тизимига ишга кириш учун номзодлар устидан ўтказилган текширувлар сонини кўрсатилади.

V. Таълим ва коммуникация

Вазирликда коррупцияга қарши курашиш масалалари бўйича ўқитишнинг натижаларини марказий аппарат, ҳудудий ва таркибий бўлинмалари кесимида: ўқитилган ходимларнинг фоиздаги нисбати, таълим шакли (бевосита/онлайн) кўрсатилади;

Марказий аппарат, ҳудудий ва таркибий бўлинмалари кесимида Вазирлик тизими бўйича ўқитиш даражаси паст бўлган коррупцияга қарши кўникмаларга оид ахборот кўрсатилади (режалаштирилган кўрсаткичларга таққосланган ҳолда);

Вазирликда коррупцияга қарши курашиш масалалари бўйича коммуникация турлари ва сонини ҳудудий ва таркибий бўлинмалари кесимида (масалан, тарқатмалар, коррупцияга қарши курашиш масалалари бўйича сўровномалар ўтказиш) кўрсатилади;

Бўлимда шунингдек, вазирлик тизимида ўтказилган кенг кўламли алоҳида тадбирларни ажратиб кўрсатиш мумкин.

VI. Коррупциявий хатти-ҳаракатлар ва ҳуқуқбузарликлар тўрисидаги хабарлар

Ҳисобот даврида ходимларнинг коррупциявий хатти-ҳаракатлари, манфаатлар тўқнашуви, коррупцияга қарши бошқа қонунбузарликлар билан боғлиқ масалалар

тўғрисидаги алоқа каналлари орқали келиб тушган хабарлар марказий аппарат, ҳудудий ва таркибий бўлинмалари кесимида кўрсатилади;

Мансаб вазифалари ва тартиб-таомиллар кесимида олинган таҳлилий маълумотлар (масалан, харидлар жараёнида, кадрларни ишга қабул қилиш билан боғлиқ тартиб-таомилларда) келтирилади;

Олинган хабарлар бўйича таҳлилий маълумотлар қоидабузарликлар кесимида келтирилади (масалан, коррупциявий хатти-харакатлар, манфаатлар тўқнашуви, келишув тартиб-таомилларини процедураларини бузиш ва бошқалар);

Олинган хабарлар бўйича таҳлилий маълумотлар алоқа каналлари кесимида келтирилади (масалан, ишонч телефони, бевосита хабар бериш ва бошқалар).

VII. Мониторинг ва назорат⁵

Марказий аппарат, ҳудудий ва таркибий бўлинмалари кесимида ҳисобот даврида вазирлик тизими томонидан мавжуд коррупцияга қарши талаблар, назорат тадбирлари ва тартиб-таомилларнинг бажарилгани тўғрисидаги таҳлилий маълумотлар келтирилади, шу жумладан, текширувлар ўтказилган муассасалар сони, шунингдек, текширув ўтказилган вазифалар ва тартиб-таомилларининг даврийлиги ва характери тўғрисидаги таҳлилий маълумотлар (режадаги, режадан ташқари) кўрсатилади;

Ҳудудий ва таркибий бўлинмалари кесимида текширувлар ўтказилмаган бўлинмалар сони алоҳида кўрсатилади, иловада уларнинг номи ҳамда текширувлар ўтказилмаганлигининг асосий сабаблари қисқача қайд этилади;

Ўтказилган текширувлар натижалари тўғрисидаги умумий ахборот кўрсатилади шу жумладан, ижобий ва салбий хулосаларнинг фоизлардаги нисбати қайд этилади. Қоидабузарликлар мавжуд бўлса, мазкур ҳисоботнинг VIII-бўлимга ҳавола берилади.

VIII. Аниқланган қоидабузарликлар ва уларга таъсир чоралари

Вазирлик тизимида коррупцияга қарши курашиш тўғрисидаги талабларнинг бузилганлиги тўғрисида марказий аппарат, ҳудудий ва таркибий бўлинмалари кесимида таҳлилий маълумотларни кўрсатилади, шу жумладан:

қоидабузарликларнинг умумий сони;

қоидабузарликларнинг қоидабузарликлар тўғрисидаги ахборот манбалари бўйича тузилмаси (“ишонч телефони”, бевосита хабар бериш, мониторинг ва назорат натижалари ва бошқалар);

Вазирлик ички ҳужжатларида назарда тутилган вазифалар ва тартиб-таомиллар бўйича (харидлар, кадрларга оид масалалар ва б.) қоидабузарликлар тузилмаси;

⁵ Вазирлик тизимида ҳисобот даврида Коррупцияга қарши процедураларига риоя қилинишини мониторинг ва назорат қилиш методикасига мувофиқ ўтказилган тадбирлар якунлари бўйича умумий таҳлилий ахборот акс эттирилади.

Вазирлик тизимида қабул қилинган таъсир чоралари тўғрисида таҳлилий маълумотларни ҳудудий ва таркибий бўлинмалари кесимида кўрсатиш, шу жумладан:

ўтказилган умумий тадбирлар сони ва аниқланган барча қоидабузарликлар бўйича таъсир чоралар кўрилганлиги ёки кўрилмаганлиги;

таъсир чоралари турлари бўйича таҳлилий маълумотлар (айбдорларни жавобгарликка тортиш, шу жумладан, жавобгарлик турлари кесимида; вазирлик тизими жараён ва ички ҳужжатларига ўзгартишлар киритиш ва бошқалар), шу жумладан, зарур бўлган ҳолда қоидабузарликка йўл қўймаслик бўйича қандай тадбирларни татбиқ этиш таклиф этилмоқда ва ҳисобот даврида қандай тадбирлар татбиқ этилганлиги кўрсатилади.

IX. Хулосалар

Вазирлик тизимида ҳудудий ва таркибий бўлинмалари кесимида коррупцияга қарши чораларни амалга оширишнинг асосий натижалари кўрсатилади, коррупцияга қарши курашиш тизимининг ҳолатига умумий баҳо берилади. Заруриятга кўра аввалги даврлардаги кўрсаткичлар билан таққослама таҳлил ўтказилади, қониқарли натижаларга эришганлик ёки эришмаганлик сабабларини қайд этилади.

X. Коррупцияга қарши кураш тизимини янада ривожлантириш бўйича таклифлар ва тадбирлар режаси

Кейинги ҳисобот даврида вазирлик тизимида коррупцияга қарши курашиш тизимининг алоҳида кўрсаткичларни марказий аппарат, ҳудудий ва таркибий бўлинмалар кесимида яхшилаш имконини берувчи асосий тадбирлар кўрсатилади.

Ўзбекистон Республикаси Олий ва ўрта
махсус таълим вазирлигида коррупцияга
қарши кураш тизимининг ҳолати
тўғрисидаги ҳисоботни шакллантириш ва
тақдим этиш бўйича низомига 3-илова

**Коррупцияга қарши курашиш бўйича давлат дастурида режалаштирилган
тадбирларни амалга ошириш тўғрисидаги
ҲИСОБОТ**

Т/р	Тадбирлар номи	Бажариш муддати	Амалга оширилган чоралар